

se ritrova, mandato per il colegio, a Trevixo, et il scurtinio sarà qui avanti posto.

261 Fo leto una letera, scrive quel Justo Celer, todesco, fo con sier Antonio Zustignan, data a Vilacho, et a lui drizata. Par habi parlato à quelli do oratori regij, quali li hanno dito, si esso orator havesse altro da la Signoria che l'imperador torneria su la praticia *etc.*, et perhò li avisa che 'l ge debi dar risposta. Et poi fo messo per li savij, exepto sier Antonio Trun, procurator, una letera in risposta, in nome dil predito sier Antonio Zustignan, *ut in ea*. Sier Antonio Trun contradise, et perchè con effeto la letera steva mal, fo d'acordo dito, sier Antonio predito faria da lui risposta, e si lezeria al consejo.

Di Trevixo vene letere dil podestà e provedador, di hore 19 $\frac{1}{2}$. Come hanno, per relation di uno explorator et di uno prexon fugito de' inimici, li qualli si confermano, che il campo questa matina se levò dil loco dove eri sera era, et aviosi, pur costizando el monte, verso Narvesa, ch'è apreso la Piave, e che el senti dir da alcuni, che i volevano passar la Piave per andar a robar e per altri effeti, e che hessendo fra l'horo a parlamento uno disse, che in Trevixo dimostrano gaiardamente volersi difender, tal che i stevano di questo molto sospesi, e che uno di quelli gran maistri sciorlò la testa e non disse altro. Et scrive, questo aviso, esso provedador, l'ha 'uto hessendo fuora di la porta di San Thomaso, facendo cavalchar stratioti, con domino Constantim Paleologo, verso li inimici. *Item*, sollicitano a' le fortification. *Item* scrive, il capetanio si à dolto aver inteso, la Signoria vol cassar Christofal Albanese, che fo mandato con quelli fanti che non andò tutti verso la Scala, e li dispiacera.

261⁴ A dì 13 septembrio im pregadi.

Scurtinio di provedador in Dalmatia con ducati 70 al mexe per spexe, juxta la parte.

Sier Troiam Bolani, fo provedador a Lona, *quondam* sier Hironimo
Sier Francesco Donado, el cavalier, è di la zonta, *quondam* sier Alvixe
Sier Zuam Vituri, fo provedador in la Patria di Friul, *quondam* sier Daniel 85
Sier Hironimo Querini, fo di la zonta, *quondam* sier Andrea
Sier Pollo Valaresso, fo retor e provedador a Cataro, *quondam* sier Gabriel

Sier Zacaria Valaresso, fo conte in Arbe, *quondam* sier Zuanne
Sier Pier Marzelo, fo capetanio a Bergamo, *quondam* sier Filippo
Sier Francesco Capelo, el cavalier, fo provedador zeneral, *quondam* sier Christofolo
Sier Nicolò Dolfim, fo avogador di comun, *quondam* sier Marco
Sier Alexandro Minio, fo camerlengo a Faenza, *quondam* sier Castelan
† Sier Sabastian Zustignan, el cavalier, savio a terra ferma, *quondam* sier Marin 86
Sier Orsato Zustignan, è di la zonta, *quondam* sier Pollo
Sier Zacaria Loredan, fo capetanio di le galie bastarde, *quondam* sier Luca
Sier Nicolò Pasqualigo, fo patron a l'arsenal, *quondam* sier Vetur
Sier Daniel Dandolo, fo provedador a Feltre, *quondam* sier Hironimo
Sier Zuam Antonio Dandolo, fo provedador a Spalato, *quondam* sier Francesco
Sier Alvise Capello, fo conte a Spalato, *quondam* sier Francesco
Sier Hironimo Baffo, fo ai X savij, *quondam* sier Mafio
Sier Alvise Pizamano, fo capetanio di le galie di Barbaria, *quondam* sier Francesco
Sier Bernardim Contarini, fo conte a Traù, *quondam* sier Zuam Matio
Sier Zuam Dolfim, fo provedador a Feltre, *quondam* sier Hironimo
Sier Lorenzo Dandolo, fo provedador di comun, *quondam* sier Antonio, dottor
Sier Lunardo Emo, è di pregadi, *quondam* sier Zuanne, el cavalier
Sier Sigismondo di Cavali, fo provedador executor in campo, *quondam* sier Nicolò

Di Trevixo, dil provedador et podestà, di horre 5 di note, a dì 13, zonte questa note e lete la matina in colegio. Come el campo nemicho è alozato questa sera a Narvesa, apresso la Piave, dove, dicono, voler butar el ponte su le burchiele, hanno menato con si su li cari, e voleno passar in la Patria, e quella guastar e depredar; e voleno alozar li per questa invernata, e poi, a tempo nuovo, tuor questa impresa de Trevixo. E questo aviso si ha per alcuni presoni fati per nostri stratioti. Subito hanno spazato, per cavalari a posta, letere per tuta la Patria, acciò se sapino guardar et prove-